



Te Pū'apinga I rauka

'Akako'u'anga - Overview

Ko te pū'apinga i rauka tētai koronga teitei e tūraki ma'ata ana i te pū'apinga bāsileia e te moni i rauka no tētai roa'anga tuātau. Ka riro te kakeanga i te pū'apinga i rauka i te 'ōronga mai i te tika'anga kia raua ia tātou i te 'akama'ata i te pū'apinga ka rauka mai no roto i te karonga 'okota'i – te ka riro i te tāki i te tūranga moni i rauka ki runga.

Kua 'ātuitui mai tēia porokarāmu i te 'anga'anga mama'ata i te kimi'anga i te rāvenga kia maranga te pū'apinga ka rauka, i roto tikāi i te tu'anga o te aronga 'anga'anga, na roto i te au vāitoanga karape tūkētūkē mei te 'akama'ata'anga i te tango kite karape i roto nei i te Kūki 'Airani e te 'akamāro'iro'i i te 'akaputu'anga moni.

Ka 'akatupu te pū'apinga i rauka mai i te 'akakake'anga moni 'anga'anga e te tūkatau i roto i te tā'anga'anga'anga o te mekameka turuturu. Ko te 'akameitaki'anga i te pū'apinga ka rauka mai kua riro ana ei apainga teima'a ki tēia nei ao i tēia nga mataiti i topa ake nei, tei kitea'ia te tupu'anga mārie ki roto i te au bāsileia mama'ata. Ka ngatā te 'akatano'anga i tēia manamanatā e ko te rāvenga rapakau ka roa te tuātau e rauka ai i te tā'anga'anga – e ko te ma'ata'anga ka 'ātui te reira ki te 'āpi'i'anga e te terēni'anga i roto nei i te Kūki 'Airani. Ko te 'akaroa'anga o te Tāmanako'anga Pīra Tūtaki-kore kua 'ātui vaitata'ia te reira ki tēia 'akakoro'anga tumu.

I va'o ake i te 'āpi'i e te terēni'anga ko tētai 'akakeu'anga ma'ata i te pū'apinga te ka rauka mai i roto i te tu'anga kimi pū'apinga koia ko te 'ātui'anga ki te 'akaputu'anga moni e te 'akameitaki'anga i te matīni uira. Ko te aiteanga, ko tēia porokarāmu e 'ātuianga matūtū tōna ki tetai au porokarāmu takakē ki roto i te EER mei te 'akaiti'anga i te 'akapou'anga o te Akakaio'u'anga, 'akaputu'anga no te apinga 'anga'anga, Ārairai'anga i te Tere'anga o te Pītinitia kia riro ei 'emo'anga ma'ata-atu te kā riro i te 'akatupu i te au rāvenga pū'apinga e ka riro ei 'akaputu'anga pū'apinga no te kātoatoa. Ko te 'akakoro'anga tumu o tēia ara- 'anga'anga koia ko te 'akameitaki atu i te 'āriki'anga e te tika'anga tā'anga'anga i te moni te ka 'akaneke i te tupu'anga o te pū'apinga tei rauka mai, noātu e, a āka 'anga'anga tēia akakoroanga tumu e rauka ai i te au kavamani i roto i tētai au tu'anga o tēia nei ao e mānganui.

No tēia au 'ātuitui'anga nei, ka iti ua te au tu'anga takitai ta tēia porokarāmu ka nā roto, e ka 'akatinamou te reira ki runga i te 'akaterē'anga i te pū'apinga ka rauka mai no roto i tētai au porokarāmu takakē o te EER no te tauturu kia meitaki te tupu'anga o te pū'apinga tei rauka mai.

What does this involve?

Ko tēia ara-‘anga’anga kare ōna ‘aka’openga’anga pāpū tikāi, i te mea e ko te au ‘akakitekite’anga te ka rauka mai no roto i te kimi’anga e te ko’i’anga manako ka ‘inangaro’ia te reira no te ‘ākara i tētai au ‘anga’anga mama’ata ‘ōu i te mea oki e, e āka ‘anga’angaa i te ‘akapāpū i te tū tikāi o te ‘akatūke’anga i te ‘akako’u’anga pū’apinga me kare tēia e rave’ia. Nō te tāmanako i te ka rauka mai no roto i tētai kimi’anga e te koianga rēkoti, i tētai taime kāre te mataara i ‘iki’ia e ‘apai mai i te meitaki, e te riro nei tēia ei ‘apainga teima’a na te au kavamani.

Noātu ra te reira e au karere tētai i rauka mai no roto i tētai au porokarāmu i roto i tētai au tu’anga o tēia nei ao tei ‘anga’anga ki runga i tēia au tā’ī’anga:

1. Te karere ‘āpi’i mua koia ko te ‘anga’anga ma’ata tei raveia e te ‘āpi’i e te terēni’anga i roto i te ‘akama’ata atu i te papa kite karape i roto i te tu’anga kimi pū’apinga na roto ‘akaputu’anga ki roto i te pū’apinga tangata. Ko tēia tētai tu’anga ka ‘ākara matatioia atu e pera te ‘Akaroa’anga i te Pīra Tutaki-kore’ia ei tūranga ‘akamou’ia.
2. Ko tētai karere ‘āpi’i koia oki te au pītiniti mama’ata e ma’ata atu to ratou meitaki i roto i te paunu’anga pū’apinga e te au tu’anga tūkētūkē ki roto i tētai putuputu’anga. Ko te tu’anga kimi pū’apinga mei to tātou rai, e ma’ata te au tūkai e tupu putuputu ana ki te inangaro i te akama’ata atu i te emoanga ki roto i te tu’anga kimi pū’apinga. Ko te kimi’anga i te pārani ki rotopū i tēia au manako ‘akapāpū nei e mea pū’apinga ma’ata te reira.

Ko tētai manako ‘akapāpū tei ‘akamāro’iro’i’ia e tētai au ngā’i koia oki ko te akamaranga’anga i te tūranga matīni uira e te ‘akaputu’anga moni. Me rauka te ‘ātui’anga ki te moni e te matīni uira ka meitaki te tu’anga ‘anga’anga, no reira ko tēia tētai tu’anga ka rauka i te tu’anga kimi pū’apinga o te Kūki ‘Airani nei i te kite i te tūranga e maranga maira ki runga na roto i te tika’anga tei rauka kia tā’anga’anga i te moni tei ‘akaputu’ia. Kāpiti katoa atu tētai au tu’anga o te EER ko te katoa’anga o te porokarāmu kua ‘akakoro’ia i te ‘akamāro’iro’i i te ‘akaputu’anga ki roto i te mā’īni uira e pera tētai au vāito’anga ‘akako’u’anga pū’apinga. Kua tāmanako katoa mai te kimi’anga e ko te au vāito’anga i te ‘akameitaki i te au ‘ātuitui’anga o te au matīni ‘aka’oro, me kare i te ‘ōronga i tētai au tāmanako’anga no te kimi matatio e te ‘akapū’apinga te ka riro i te tauturu i te pū’apinga te ka rauka mai. Ka ‘ākarakara matariki tēia au tāmanako’anga na roto i te au kaveinga kimi matatio o tēia tu’anga ‘anga’anga, kia rauka i te ‘akapāpū e ka rauka i te ta’anga’anga ki roto nei i te Kūki ‘Airani.

Ko te kaveinga kimi matatio o tēia ‘anga’anga ka ‘ākara matariki te reira i te au manako tei tā’anga’angaia ki raro i tētai au ‘akaterē’anga i roto i tēia nei ao ma te kiriti mai i te karere ‘āpi’i tei pū’apinga’ia e tei kore i pū’apinga’ia. Ko te au manako tei tau ki te Kūki ‘Airani ka kiriti’ia mai te reira e pērā tētai au ‘akatanotano’anga tau no te ‘akapāpū i te ka tau meitaki ki to tātou tu’anga kimi pū’apinga e tētai au ‘akatūkē’anga te ka tāmanako’ia.

Mei te mea e ka ka riro tēia i te ‘e’eu i te ngutupa no tētai ‘akaputu’anga ma’ata na te kavamani no te au tu’anga kimi pū’apinga kare i raro ake i te ‘akaterē’anga a te kavamani, ko teia ‘anga’anga kare te reira e ‘inangaro kia tupu tēia. Pēnei ko teia te tāmanako’anga tei raveia, inara ko te au tāmanako’anga tei koropini i te ‘akaputu’anga moni a te kavamani ka anoano’ia i te ‘ākarakara tētai au tumu’anga e mānganui e pērā te ‘akatūkia ki runga i te pū’apinga te ka

rauka mai e no tēia e ara-anga'anga takake a ia ki raro ake i te EER. ('ākara ki te 'akapapa'anga porokarāmu o te 'akaputu'anga no te 'apinga 'anga'anga no tētahi 'akamārama'anga kē atu.

'Ātuitui'anga - Engagement

Ka 'akaterē'ia tēia 'anga'anga e te Tu'anga Parāni Kimi Pū'apinga i roto i te MFEM e ka 'ātui ki te au ngā'i 'anga'anga kavamani e te au tu'anga kare i raro ake i te 'akaterē'anga a te kavamani. Ko te au 'ātava tumu o te Kavamani mei te Tango 'anga'anga, Te Mato Vairanga Mou o te Kūki 'Airani, te Koutu Mana Tūtara o te Ipukarea e te Māraurau o te Pae 'āpi'i, ka piri mai ratou ki roto i te ko'ia'anga manako e te kimi'anga i tētahi au rāvenga ei akamātūtū i te pū'apinga te ka rauka mai.

Outputs

I te mea oki e ko tēia tētahi tu'anga pū'apinga i te EER ko te au poka pāpū o tēia ara-'anga'anga kare te reira e kitea'ia i mua ake ka rave'ia ai te kimikimi'anga, inara kua 'akakoro'ia no te akamārua i te tupu'anga o te GDP i vao ake i tei tāmānako'ia. Ko te au poka tātakita'i ka 'akatinamoua'ia te reira, e te au taka'inga mua o te porokarāmu te ka 'ōronga mai i tētahi au tāmānako'anga no te au vāito'anga tei 'akapāpūia ei arataki i te tupu'anga teitei o te pū'apinga te ka rauka mai.

Te Akapou'anga - Estimated Costs

Ko te katoa'anga o te 'akapou'anga kua tāmānako'ia e ka iti ua te reira, e ka noo ua ki roto i te koro o te 'uri'uri'anga manako e te mā'ani'anga i te au kaveinga tumu e kua 'irinaki'ia e ka topa ki raro ake i te \$100.000. Pēnei e au 'akapou'anga kē atu tētahi te ka 'ātui ki te au vāito'anga tei akakitēia no te 'akameitaki i te tupu'anga o te pū'apinga te ka rauka mai, Noātu ra te reira ko te tūtaki'anga ka āru te reira i au taka'inga o te tūranga 'akapapa'anga moni.

For further information contact

Economic Planning Division

Ministry of Finance and Economic Management

PO Box 120, Avarua, Rarotonga, Cook Islands

Telephone: +682 29511 ext. 7208

Email: mfem.economics@cookislands.gov.ck

Website: www.mfem.gov.ck

Disclaimer

While all care has been taken to ensure that information contained in this publication is true and correct at the time of publication, changes in circumstances after the time of publication may impact on the accuracy of the information. The Government of the Cook Islands gives no warranty of assurance and makes no representation as to the accuracy of any information or advice contained in this publication, or that it is suitable for your intended use. You should not rely upon information in this publication for the purpose of making any serious, business or investment decisions without obtaining independent and/or professional advice in relation to your particular situation. The Government of the Cook Islands disclaims any liability or responsibility or duty of care towards any persons for loss or damage caused by any use of reliance on the information contained in this publication.